

Alþingi
Erindi nr. Þ 132/1915
komudagur 28.4.2006

DAGSETNING

TILVÍSUN


Alþingi, efnahags- og viðskiptanefnd
Austurstræti 8
150 REYKJAVÍK

Reykjavík, 26. apríl 2006 2006040310

Með bréfi dags. 25. apríl sl. sendi Efnahags- og viðskiptanefnd Alþingis ríkisskattstjóra frumvarp til laga um tollalög og tekjuskatt, 733. mál, fækkun tollumdæma o.fl.

Ekki er tilefni af hálfu embættisins til að gera athugasemd við frumvarp þetta.

Virðingarfyllst



Indriði H Þorláksson
ríkisskattstjóri



Alþingi
Erindi nr. Þ 132/2094
komudagur 5.5.2006

3. maí 2006

Nefndasvið Alþingis
Austurstræti 8 – 10
150 Reykjavík

Með bréfi dags. 25. apríl 2006 óskaði efnahags- og viðskiptanefnd Alþingis eftir umsögn Seðlabanka Íslands um frumvarp til laga um breyting á tollalögum, nr. 88/2005, og lögum um tekjuskatt, nr. 90/2003, með síðari breytingum, 733. máli 132 löggjafarþings.

Frumvarpið fjallar um tæknimál og framkvæmdaatriði við tollheimtu. Ekki verður séð að það feli í sér neitt sem líklegt er til þess að hafa umtalsverð áhrif á efnahagslegt umhverfi eða efnahagslíf. Seðlabankinn sér því ekki tilefni til að lýsa skoðun á frumvarpinu.

Virðingarfyllt

SEÐLABANKI ÍSLANDS

Davíð Oddsson
formaður bankastjórnar

Jón Sigurðsson
bankastjóri

SEÐLABANKI ÍSLANDS

KALKOFNSVEGI 1 · 150 REYKJAVÍK
SÍMI: 569 9600 · NETFANG: sedlabanki@sedlabanki.is · BRÉFASÍMI: 569 9605



TOLLSTJÓRINN Í REYKJAVÍK

Alþingi

Erindi nr. P 132/1880

komudagur

26. apríl 2006

27.4.2006

Nefndasvið Alþingis
Austurstræti 8-10

150 Reykjavík

Efni: Umsögn um frumvarp til laga um breyting á tollalögum og lögum um tekjuskatt.

Vísað er til bréfs háttvirtrar efnahags- og viðskiptanefndar Alþingis, dags. 25. þ.m., þar sem óskað er eftir því að embættið veiti umsögn um frumvarp til laga um breyting á tollalögum, nr. 88/2005 og lögum um tekjuskatt, nr. 90/2003, með síðari breytingum.

Eins og kunnugt er þá er til meðferðar á Alþingi frumvarp til laga um breyting á lögreglulögum og lögum um framkvæmdarvald ríkisins í héraði (mál nr. 520). Samkvæmt þessu frumvarpi er lagt til að miklar breytingar verði gerðar á lögregluumdæmum og stjórn þeirra. Ljóst má vera að ef þetta frumvarp verður að lögum þá er nauðsynlegt að gera breytingar á tollumdæmum.

Í frumvarpi um breyting á tollalögum o.s.frv. er fyrst og fremst verið að leggja til breytingar á tollumdæmum og stjórn þeirra sem er eins og að framan segir afleiðing af breytingu á lögregluumdæmum.

Að mati embættis tollstjórans í Reykjavík eru þær breytingar sem lagðar eru til í frumvarpinu til þess fallnar að efla og bæta tollframkvæmd hér á landi. Æskilegt er að sem fyrst liggi fyrir hvort þessar breytingar verða að lögum, þar sem nokkurn tíma tekur að koma þeim í framkvæmd, en samkvæmt frumvarpinu er gert ráð fyrir að það öðlist gildi að hluta til strax og að hluta til 1. janúar 2007.

Virðingarfyllst,

Snorri Olsen, tollstjóri



Alþingi
Erindi nr. P 132/2001
komudagur 2. 5. 2006

1. maí 2006

Nefndasvið Alþingis
Austurstræti 8-10
150 Reykjavík

Efni: Umsögn Tollvarðafélags Íslands um frumvarp til laga um breytingu á tollalögum

Ísland er til bréfs háttvirtrar efnahags- og viðskiptanefndar Alþingis, dags. 25. apríl 2005, þar sem óskað er eftir að Tollvarðafélag Íslands veiti umsögn um frumvarp til laga um breytingar á tollalögum, nr. 88/2005.

Undirritaður var nú nýlega boðaður á fund allsherjarnefndar Alþingis, m.a. vegna frumvarps til laga um breytingu á lögreglugögum og gögum um framkvæmdarvald ríkisins í héraði (mál nr. 520). Í fyrrgreindu frumvarpi eru lagðar til miklar breytingar á lögregluumdæmum landsins og stjórni þeirra. Það er skilningur Tollvarðafélagsins að umræddar breytingar á tollalögum séu fyrst og fremst til komnar vegna ofangreindra breytinga á lögregluumdæmunum. Verði þetta frumvarp að gögum, hefur það mikil áhrif á það umhverfi sem tollstjórar vinna í og að mati stjórnar TFÍ er því nauðsynlegt að samhliða séu gerðar breytingar á tollumdæmunum. Að áliti Tollvarðafélagsins fer vel á því að toll- og lögregluumdæmi séu þau sömu og auðveldar það þá nánú samvinnu sem er á milli þessara skyldu stétta.

Að mati Tollvarðafélags Íslands gætu þær breytingar sem lagðar eru til í frumvarpinu orðið til þess að efla tollgæslu í landinu. Þetta á ekki síst við í Hafnarfirði, þar sem einungis eru starfandi þrír tollverðir, og í Keflavík þar sem tveir tollverðir eru starfandi. Með breytingunni verða tollverðir á þessum stöðum hluti af stærra liði tollvarða, sem nota mætti við tollefirlit, s.s. við leit í skipum eða frakt. Ástæða er til að ætla að tollefirlit aukist umtalsvert í kjölfarið.

Einnig má ætla að tollframkvæmdin sem slík – þ.e.a.s. tollafgreiðslan, útreikningur gjalda o.s.f.v – batni í kjölfar stækkunar umdæma. Til þessa hefur störfum í tollafgreiðslu víða verið sinnt í hjáverkum af fólki, sem hefur mismikla kunnáttu í tollamálum. Nú munu einstaklingar, sem hlotið hafa sérmenntun í Tollskóla ríkisins, yfirtaka þessi störf og er það til þess fallið að skerpa á samræmdri tollframkvæmd og gera störfin markvissari og skilvirkni meiri. Með þessari breytingu á tollalögum er einni tryggt að tollvörður er starfandi í hverju tollumdæmi.

Í frumvarpinu er í ákvæðum til bráðabirgða skýrt tekið fram að tollstjórinn á Suðurnesjum taki við réttindum og skyldum gagnvart tollvörðum sem störfuðu hjá tollstjóranum í Keflavík og jafnframt að tollstjórinn í Reykjavík taki við réttindum og skyldum gagnvart tollvörðum, sem störfuðu hjá tollstjóranum í Hafnarfirði. Með þessu ákvæði er tryggt að engar breytingar verða, a.m.k. fyrst um sinn, á skipunarkjörum þeirra tollvarða sem færast til nýrra tollstjóraembætta. Stjórn TFÍ hefur því ekkert við tilfærslu þessara embættismanna að athuga, sbr. ákvæði 36. gr. laga nr. 70/1996 um réttindi og skyldur opinberra starfsmanna.

Hvað þjónustu við almenning varðar hafa tollstjórinn í Reykjavík og sýslumaðurinn á Keflavíkurflugvelli, verðandi tollstjóri á Suðurnesjum, lýst því yfir að tollafgreiðsla á báðum stöðum taki litlum breytingum og sér Tollvarðafélag Íslands því ekki ástæðu til að gera athugasemdir vegna þessa.

Virðingarfyllt,

Guðbjörn Guðbjörnsson
formaður



VIÐSKIPTARÁÐ ÍSLANDS
ICELAND CHAMBER
OF COMMERCE

Alþingi
Erindi nr. P/32/1930
komudagur 28.4.2006

Nefndasvið Alþingis
Efnahags- og viðskiptanefnd
b/t Hlínar Lilju Sigfúsdóttur, nefndarritara
Austurstræti 8 - 10
150 Reykjavík


Reykjavík, 28. apríl 2006.

Efni: Frumvarp til laga um breyting á tollalögum nr. 88/2005 og lögum um tekjuskatt nr. 90/2003 (733. mál)

Viðskiptaráð þakkar nefndinni fyrir það tækifæri að fá að veita umsögn um ofangreint frumvarp sem feiur það meðal annars í sér að tollumdæmum verði fækkað úr 26 í 8.

Viðskiptaráð gerir ekki athugasemd við frumvarpið.

Virðingarfyllst,
f.h. Viðskiptaráðs Íslands,


Davíð Þorláksson